

四庫全書

史部

欽定四庫全書

關中奏議卷十三

明 楊一清 撰

提督類

一為斬獲犯邊回酋首級事

欽差提督陝西三邊都御史臣楊一清謹題為斬獲犯  
邊回酋首級事據平羌將軍鎮守甘肅地方總兵官左  
軍都督府都督僉事姜奭呈嘉靖四年五月十九日據

欽定四庫全書

熙中奏言  
卷十三

守備永昌行都指揮事指揮使馬雲呈本月初三日一  
更時分據山丹夜不收翁全傳報回賊三百餘騎從本  
境白石崖東走備報整兵隄備間節蒙鎮守總兵官姜  
真會議鈞帖為屬番斬獲回賊首級事又為哨報回賊  
聲息事備行本職速將本城馬步官軍并土兵舍餘督  
令整棚軍火器械以備回賊入境堵截調用及絡繹差  
人遠為哨探回賊棲止處所一面統兵相機截殺一面  
飛報鎮城調兵策應蒙此續蒙巡撫都御史寇天敘明

文亦為前事備行職等整棚兵馬遇警相機截殺及差  
乖覺夜不收分投出境哨探毋致誤事蒙此行間續據  
永昌衛呈據經歷司呈抄蒙守巡道案驗亦為前事備  
行本職精選兵馬以備征戰等因初十日又蒙鎮守總  
兵官姜奭親統鎮城兵馬隨賊聲勢前來涼州適中地  
方調度會同巡撫都御史寇天敘分布副總兵遊擊守  
備等官并職等各統所部兵馬速便前去南山一帶通  
賊路口按伏截殺及差督軍夜不收錢靈保等傳諭職

欽定四庫全書

關中奏議  
卷十三

三

等務將前賊或邀截歸路或設伏出奇跟襲蹤跡務期成功以靖地方除遵依差人哨探整兵待報間十二日午時據差哨四溝打班夜不收范保保報十一日酉時瞭見回賊二百餘騎在於本溝牧馬使賊一人步行登山瞭望本役來報據此本職當即統領本衛馬步各操土兵并各官下舍人家丁共八百餘員名各帶軍火器械前去追襲戌時兵至西沙溝又據差哨劉家莊夜不收童駱報十一日子時前賊到於本莊圍遶越過莊牆

居人俱各上墩固守止將牛隻搶趕回往饅頭山去訖  
隨據饅頭山夜不收李永亦報本日天明時候爪見前  
賊北往南行徑奔西番溝行去督軍黃夜趨奔到於考  
來口堡地方十三日未時迎據原差夜不收張克敬報  
本日巳時瞭見回賊二百餘騎在於東石門駐劄得報  
本職統領官軍分為二路至次日黎明時候兵至東石  
門趕上前賊內有頭目一人張打旗號擊鳴銅鼓率領  
衆賊撲來迎敵令知漢語一賊稱言我是大頭目托克

托穆爾領頭哨人馬前來後頭還有多的人馬來裏本  
職因見山險申嚴號令督令官軍指揮張經等奮不顧  
身一半衝彼之前一半擊彼之後各用鎗打箭射鏖戰  
三十餘合其賊腹背受敵見我官軍勇猛方纔四散敗  
走垂勝追殺就陣斬獲首級三十六顆奪獲原搶頭畜  
并賊馬夷器等件欲再窮追恐墮賊計掣兵回至考來  
口堡駐劄查報首級間隨據被擄走回夜不收陸益查  
認得一大首級約有五十餘歲左眼枯瞎係賊首托克

托穆爾首級及查在陣射死旗軍餘丁六名射死官軍  
土兵下馬一十三匹征傷官軍四十一員名十五日統  
兵回城除將首級并賊馬夷器等件聽候解驗并將奪  
獲原搶頭畜名主認領仍行永昌衛查勘賊經地方此  
外有無被擄人畜徑自開報理合具呈照驗等因到職  
案查先准分守肅州右叅將雲冒手本為屬番斬獲回  
賊首級事據普爾咱族番人哈布爾等供報本年三月初  
一日有回賊一百前來撲搶被番赶上斬獲首級二顆



乞請施行四月二十三日卯時又據甘州差哨古佛寺  
夜不收段興三報二十一日行至孤山河撞遇回賊將  
本役捉綁到於雪達巴見了回賊頭目問說甘州人馬  
有多少我是頭哨人馬後面還有多多的人馬來裏搶  
的你漢人種不的田用鐵繩將興三拴絆見得營內回  
賊約有五百餘騎夜晚興三垂賊睡熟得脫來報據此  
職等會行本鎮各城分守守備操守等官整兵隄備仍  
差人絡繹遠為哨探及具題外初三日辰時又據白石

崖坐塘夜不收薛丈一報初二日巳時瞭見回賊三百  
餘騎空馬一百從區都口徑往東諤尼鄂齊透永昌地  
方行去職等議瞭此賊奔往東行不犯涼水必犯莊浪  
西寧必須各路分投截殺方克勦滅議留太監董文忠  
防守鎮城本職隨賊向往追勦本年五月十一日准巡  
撫都御史寇天敘手本照得本院四月二十九日按臨  
莊浪五月初一日准分守莊浪西寧副總兵魯經手本  
准鎮守總兵官姜璵手本為哨報聲息事據甘州差哨

古佛寺夜不收段興三所報回賊五百從肅州境外移  
來我邊山後雪達巴駐劄為照此賊謀為犯邊旦夕難  
測宜當整兵隄備擬合通行為此除本院無程赴鎮及  
具題外合用手本前去煩將鎮城兵馬整點齊備遇警  
統領截殺及差乖覺夜不收分投出境哨探前賊向往  
回報以憑會處准此本職統領兵馬到於涼州地方與  
巡撫都御史寇天敘相會初十日未時又據永昌差哨  
古廟兒夜不收周黑子報本日巳時瞭見回賊一百五

十餘騎從西南柳溝前來往北透古廟兒達巴行走據報職等會議調度堵截行分巡僉事李孟旭精選各城兵馬隨處應援管糧右叅議王汝舟僉事周汝勤備辦糧餉往來供給分守莊浪副總兵魯經兵備副使陳鼎防守西寧莊浪左副總兵趙鎮在於甘州山丹遏賊西奔之路遊擊將軍嚴鎧在於古浪鎮羌一帶把截右副總兵周尚文守備馬雲在於涼永南山緊要地方設伏撲剿間續准分守莊浪副總兵魯經手本為訪探賊情

事抄蒙臣鈞帖訪得西域回賊要在本年五月內復來  
甘肅地方為患速行職等各要慎守封疆嚴斥烽堠整  
擐兵馬加謹隄備多差的當人役各遠哨探果有侵犯  
消息大小將領率領精兵相機戰守徵調鄰境官軍協  
力剿逐不許推避畏縮失誤事機亦毋得輕率寡謀墮  
賊奸計若賊勢衆大飛報軍門以憑發兵策應施行蒙  
此又經備行各該將領遵依隄備去後今據前因職會  
同鎮守太監董文忠巡撫右僉都御史寇天敘議照吐

魯番酋蘓勒坦莽蘓爾先於正德十一年間糾合各種番  
夷前來犯我肅州官軍被其殺害地方遭其荼毒大衆  
既去仍留大頭目托克托穆爾率領二三百騎在我地方  
剽掠無處不到擾攘二年間始回去歲蘓勒坦莽蘓爾糾  
合二萬餘賊謀取甘肅後雖遭挫遁歸復遣托克托穆  
爾領三四百騎在我地方擾害蓋此賊驍雄貪狠熟知  
我山川險易故大衆雖去仍敢復來深入我疆場捉我  
哨瞭人役問我兵力虛實搶掠我莊堡頭畜背天逆理

亦已甚矣乃今天厭其惡仰仗朝廷威靈軍門號令方略所以守備官馬雲乃能統領官軍奮勇對敵賊首就戮餘黨失勢在陣斬獲首級共三十六顆奪獲頭畜賊馬旗號夷器數多使回賊大遭挫衄吐魯番衆聞之未必不因此喪氣將來窺覷之心犯邊之舉或可少沮也及照斬托克托穆爾首級雖據夜不收陸盆供認是實惟恐不的行仰陝西行都司督令見監沙州夷犯綽埒本及先年搶去吐魯番肅州衛鎮撫程翥并捉去走回

夜不收段興等辨認是的取具不致扶同結狀在官除將各首級轉發斷事司收候復驗奪獲馬匹器械就賞原獲有功之人以作銳氣牛隻已該守備馬雲召主認領訖及將陣亡旗軍舍餘人等各量給官銀一十兩以為埋葬之資并重傷官軍各分別輕重量給銀兩布匹以備醫藥獲功為首者各量賞三兩銀牌一面段一匹為從者一兩銀牌一面布二匹先示激勵及通行各副叅遊擊守備操守等官仍爪探敗散餘賊再加剿殺及



具題外再照托克托穆爾土魯番大頭目今被我軍斬  
首歸營以雪我地方十數年被害之恨比與尋常功次  
不同如蒙軫念極邊重鎮作養軍氣之始合無將領兵  
守備官馬雲及斬托克托穆爾首級百戶蔡忠比照節  
年斬獲賊首事例奏請越次陞賞其餘為首為從及陣  
亡征傷領軍等項人員照例奏請陞賞優恤庶有功者  
將來知所奮發而勉圖補報矣等因具呈到臣案照先  
據鎮守甘肅總兵官署都督僉事姜瑛呈前事已將各

官斬獲功次具題外今據前因為照總兵官姜輿初報之時亦稱斬獲首級中有大首級一顆係回酋大頭目托克托穆爾臣以未經查勘恐似在先蘓勒坦莽蘓爾之誤止將斬首數目具奏今既該鎮巡官查驗是實比之別項斬獲委有不同叅看所呈歷敘各官分布調度勞蹟皆其職分辭涉張大事則頗真但守備永昌行都指揮事指揮馬雲提一旅之孤軍破數百之強敵斬獲既衆渠首伏誅與百戶蔡忠俱該殊錄及照節據走回人口

及沙州夷人之言回賊姦謀誠未可測正宜激勵將士  
期收大功以保地方且功賞自出朝廷乞勅兵部查照  
臣及甘肅鎮守官先今奏報早為施行庶使邊軍有所  
感發興起緣係斬獲犯邊回酋首級事理為此具本順  
差承差楊鸞親賫謹題請旨

一為敵衆出沒事

題為敵衆出沒事據平羌將軍鎮守甘肅地方總兵官  
署都督僉事姜鼐呈前事嘉靖四年四月二十六日准

分守涼州右副總兵署都指揮僉事周尚文手本本月十五日巳時據在城東門樓直日軍人崔伯伯走報瞭接城東十三里鋪并大河驛墩各舉煙三把燒柴堆一座放炮一箇備報本職急統在城堪征馬隊官軍把總指揮使徐威等四百員名驟馬前去迎火追截後令把總指揮唐佑等管領步隊官軍襲蹤應援兵至十三里鋪迎據靖邊驛夜不收王忠閻家溝墩夜不收盛全各報本日辰時瞭見敵衆四五十騎東北前來到中壕外

因壕阻遏將壕外種田人牛搶往東北復回原路紅柳溝地方去訖馳至大河驛又據舊腦墩夜不收岳興馳報本日寅時爪見敵衆馬蹤一路約有二三百騎從本墩上空窺壕進境透往土塔兒靖邊驛地方去訖未曾回還據此急督官軍從紅寺兒過壕徑趨舊腦墩窺壕口處所堵截歸路午時馳驟至彼前敵已過邊壕官軍馬匹促弱大半不能馳走本職傳諭收後指揮丁果催督弱馬官軍在後前來應援本職摘統好馬官軍徐威

并千戶侯林等馬戶經過壕外追上前敵四五十騎迎  
來衝敵本職督軍一擁向前撲斫前敵迎射數箭彼見  
官軍勇猛將所搶牛羊斫傷一半並人口頭畜盡行丟  
棄其衆敗走本職督統官軍復追前去至地名閻王溝  
地方壕內又有前敵三百餘騎穿戴盔甲撲來射斫一  
處本職見得官軍止有二百五十餘名離城一百三十  
餘里兵寡敵衆申嚴號令督勵官軍下馬結營兩面靠  
住溝灣兩面被敵攻衝軍用挨牌鎗砲弓箭排定自午

時戰至未時數十餘陣後有指揮丁杲率領弱馬官軍共一百五十餘名下馬結營前來奮勇策應前賊摘分少半迎敵射斫本職那營一處彼見官軍奮勇夾攻齊力死戰方纔稍退我兵合為一處且戰且行移至壕邊倚壕相拒戰至酉時又有指揮唐佑急領步兵將近灰塵大起敵見我兵漸增彼此俱有中傷數多方纔退遁欲再深追況離邊壕寫遠天晚兵孤沙大馬弱恐墮其計當差夜不收張安定等密覘敵向往制兵方回至二

更時馬步官兵俱到暖泉營安歇據把總指揮使徐威  
呈查得就陣射斫身死軍人二名吳景朱晟并大河驛  
千戶侯林馬戶卜子英二員名中傷官軍一十一名射  
死官馬三匹走死一匹射傷一十三匹隨營奪獲原搶  
男婦樊佑等二十四名口通共牛羊三十八隻仍差夜  
不收齊成馬戶費廣等查得戰場所傷牛七隻羊九隻  
收回敵箭五百三十一枝十六日兵回靖邊驛駐劄十  
七日據原差張安定等爪得前敵由大草灘徑透扒沙



遠遁去訖本日掣軍回城除將牛羊查給失主認領並  
收回敵箭發庫收候聽驗仍委官前去所經地方查勘  
此外再有被掠人畜明白徑自通行開報外合具手本  
乞請施行間五月二十一日又准分守涼州右副總兵  
署都指揮僉事周尚文手本本月初九日辰時據東門  
樓直日軍人張五走報瞭接城東十三里鋪墩舉煙二  
把燒柴堆一座整兵間隨據探哨青石碇夜不收陳貴  
等馳報初八日未時瞭見敵衆灰塵一路約有三里寫

遠從東小海子往西大草灘地方行走據報得此本職  
先統涼州堪征馬隊官軍把總指揮徐威等三百餘員  
名并接管甘州都指揮趙經守備鎮番行都司指揮使  
胡玠遊兵千總指揮趙軻等各部好馬官軍共有七百  
餘員名前去迎火追敵傳令步操千總及弱馬官軍指  
揮唐佑等管領步軍繼後應援兵至大河驛地方迎據  
紅寺兒夜不收封記兒馳報敵衆三十餘騎從東前到  
紅寺兒填它壕口內敵一十餘騎過壕進境因見兵馬

八  
卷三  
灰塵來急復過壕外往南去訖得此急督官軍趨彼追  
逐馳至地名亂塚子追見前兵回往頭墩原路奔走襲  
蹤前至乾湖地方南北溝內突出伏兵三四百騎穿帶  
紅黃盔甲兩面夾攻齊來衝敵職督官軍各用弓矢銃  
砲鎗刀挨牌一擁向前撲斫射打賊見官軍勇猛中傷  
敵衆人馬數多方纔退走復追壕邊沙窩又有伏兵三  
百餘騎聚齊一處仍來攻敵職見前寇勢衆督令官軍  
下馬結營戰至午時敵見遊擊將軍嚴鎧統兵繼後步

兵灰塵接連來近前敵徑過邊壕出境仍往大草灘地方去訖欲再窮追况臨邊外沙大賊衆恐墮姦計兵馬掣於頭墩營往劄隨據把總指揮徐威等呈查得征傷軍人李保兒等六名射死軍人何達等馬九匹沿途走死于定等馬六匹射傷尤旺馬一匹收獲達箭二百三十五枝當差夜不收吳清等哨前敵仍往扒沙地方去訖又今夜不收羅寧等襲其向往因已遠遁本職會同遊擊嚴鎧制軍回城本月十一日辰時據原差夜不收

羅寧等乍得前敵於青石硤柳溝等處住牧本役回還  
供報得此照得前敵去歲由苦水墩大明沙二處經過  
被我涼州聚有調到各路主客官軍奮勇斬獲首級奪  
獲馬牛頭畜數多前敵大遭剄遁去莊浪山後五方  
寺一帶今復那營見今蘆溝青石硤等處住牧今遣精  
騎敵人六七百騎從境外扒沙黃夜前來因我墩塘井  
探哨人役哨報早知官軍急趨追敵中傷前敵數多不  
曾進境遭剄未曾得利而歸緣其情謫詐變態不常況

此青草長茂賊馬臆壯糾衆復讐旦夕難測除督屬整  
兵嚴謹隄備及行涼州衛委官前去所經地方查勘有  
無被掠人畜明白徑自通行開報合具手本乞請照驗  
施行等因到職會同鎮守太監董文忠巡撫右僉都御  
史寇天敘議照得涼州二次敵衆入境右副總兵周尚  
文領兵追剿其奪獲人畜情固可原而損折兵馬責亦  
難辭除具題外呈乞照驗施行等因具呈到臣照得前  
項敵衆竊伏西海地方殘害我屬番寇掠我邊境去年

冬間被回賊驚散一半越過官路之北被各鎮官軍相遇斬獲數多今在北者自今春以來醜類數百騎在於莊浪涼州五方寺蘆塘等處往來寇掠或出或沒聚散不常已經節行各該將官慎固封疆嚴斥烽堠秣馬勵兵嚴備以待如遇侵犯即便督率官軍相機剿逐重則飛報鄰境官軍發兵策應不許逗遛畏縮貽患地方亦毋得輕率寡謀墮其姦計及節經具題外今據前因看得涼州地方二次敵衆入境右副總兵周尚文雖稱領

兵追剿奪獲人畜未聞斬殺之功亦有損折之罪叅詳  
所呈某處夾攻某處拒戰張大聲勢自敘勞伐無功有  
過欲蓋彌彰似難逃責但本官去年冬間斬獲敵衆數  
多近日回賊入境又曾被其斬首遁歸功可掩過況前  
項敵衆數雖不多俱係精兵健馬涼州士馬寡少又復  
不精糧儲缺乏軍無銳氣以此難於成功若不大為祛  
除地方未免被其荼毒又恐旦夕與西海邊寇相合愈  
難支持除督令各官比前加謹防範外如蒙乞勅兵部



查照將臣近日所上計處用兵機宜之數早為議處施行及行巡按陝西監察御史將涼州賊火地方查勘有無被掠人畜隱匿別情徑自具奏外緣係敵衆出沒事理為此具本順差承差楊鸞親賫謹題請旨

一為傳報回賊聲息事

題為傳報回賊聲息事准巡撫甘肅地方都察院右僉都御史寇天敘揭帖嘉靖四年六月初五日准分守肅州右叅將雲冒手本開送原差沙州回還通事夷人馬

能等四名并沙州隨來探親番人一名到官發據肅州  
衛撫夷指揮劉雲等會審得通事馬能等供稱本年四  
月初一日蒙差同夷人圖魯台布巴爾嘉額森四名騎  
牽馬匹賫帶犒賞於本月十一日前到沙州撫集頭目  
特穆爾圖卜台等到彼宣布朝廷恩威順生逆死殺伐  
利害諭畢當將賞賜段布茶斤交給各番有特穆爾圖  
卜回說比前我祖翁手裏朝廷討饋了衛分印信輩  
輩把後門出力氣來如今吐魯番王子蘓勒坦莽蘓爾力

氣大我的軍馬小沒奈何跟著他來到甘肅州地方為  
了歹又到魚海上搶了外國回來到了山後留下頭目  
托克托穆爾領人馬在山後住着教他常往漢人地方上  
去搶捉漢人問他聲息王子往吐魯番去了有頭目雅  
穆拉領人馬見在哈密住着裏老爺每計較要殺他便  
多收拾些軍馬來到沙州我每做一箇氣力殺他去若  
軍馬不來便差著人來我特穆爾親往吐魯番和王子  
謫和去如今若人馬不來又不謫和差人來調我每往

肅州城根前坐去做一箇氣力若不用我便老爹每也不要差著人來我也不差著人去有回子說到七八月裏馬壯了的時候和黃敵人還要往漢人地方上來裏這是實話我每先差了綽埒本等三箇人報去了一向不見來有能又見回子一十五名在彼向問特穆爾等回說他是頭目雅穆拉差來他先前搶的漢人馬匹著沙州的人隱藏下了因這是差他每來追尋隨有特穆爾等將回子叫來與能相見認係吐魯番小頭目實德

亨等有能數說你王子如何領人馬來到甘肅搶殺各  
夷回說有王子和頭目每計較因見漢人殺了大頭目  
和卓塔濟迪音兄弟和卓實濟爾和舍音華珊父子二人  
收拾了人馬故來報讐到了肅州城根前把和卓塔濟  
迪音射死後頭我每打魚海上回來王子回往吐魯番  
去了雅穆拉領著人馬在哈密坐著裏我每人都怨裏  
若漢人和王子和了便好若不和了便到七八月裏馬  
壯了的時候有雅穆拉領著哈密北山衛拉特敵人還要

往漢人地方上去裏得說有回子將尋出原搶漢人男婦馬匹於本月二十六日起身往哈密去訖本役等欲再停住探聽圖卜等有無尙背實情恐回夷傳報雅穆拉得知將能等拘執有失大事於是同日起程并帶隨來探親都督日郭拉部下番人一名多爾濟急速前來所供是實等因連人開送到院復審相同等因開具揭帖到臣查得先據分守肅州等處右叅將雲冒呈前事嘉靖四年三月初七日據守把嘉峪關千戶曹敬呈驗

送沙州頭目特穆爾等差來報事番人綽埒本等三名  
賫遞番文一紙到官發據肅州衛申准掌印指揮李堂  
撫夷指揮劉雲關依蒙督同百戶錢岫陳剛令通事馬  
勝會審得番人綽埒本係都督日郭拉弟沁巴克博羅  
係頭目特穆爾部下番人俱供係罕都左衛沙州住牧  
舊年七月裏有繭勒坦莽繭爾領大勢軍馬來到沙州把  
頭目特穆爾圖卜叫到根前說你們收拾一千軍馬跟  
著我漢人地方上搶去若你不跟我們去從你往那裏

去罷特穆爾圖卜因見他的氣力大我每氣力小沒奈何收拾了軍馬跟著他來到肅州東南城角底下著漢人把大頭目和卓塔濟迪音射死馱到臨水堡子根前捉了一箇苦峪的人阿納巴有我綽埒本饋他說大城上射死是和卓塔濟迪音若漢人軍馬多便出來和他廝殺少便不要出來你往老爹上稟去我把他黑地裏放著稟來了軍馬起身到了甘州南門上又把一箇大頭目阿拉克巴圖爾著神鎗打死了馱到南山裏打開



了一箇堡子回子搶東西去來後頭漢人軍馬來了殺了三十箇穿甲的回子又殺了一箇不知名大頭目回到營裏做了三箇棺材駱駝上馱著來看見漢人的軍馬來多了就起營連夜到了西寧魚海搶了巴拜岱回來到了沙州蘓勒坦莽蘓爾差了頭目托克托穆爾瞎子領著三百人馬順山回往山後避靜去處住著餵馬不要教沙州人投順著肅州去你往漢人地方上常去搶捉住漢人問他甘肅州有無調到人馬著人報著來

我先差雅穆拉和黃敵人的軍馬先去搶殺收田禾的漢人頭畜有王子蘓勒坦莽蘓爾兄弟三箇的大軍馬隨後來報他老子一般的大頭目和卓塔濟迪音讐去裏把搶去的乏弱馬頭口都丟饋我沙州的人把我們的但是臆壯的馬牛羊驢駱駝都換著去了又收拾了二百石多糧麥送饋了蘓勒坦莽蘓爾領著軍馬先去了留下雅穆拉帶人馬在沙州守著種田蘓勒坦莽蘓爾到了吐魯番把他的兒打發著哈密裏來了又差了三箇

人來到沙州把雅穆拉帶人馬這二月十五日調著哈  
密裏去了特穆爾圖卜差我綽埒本沁巴克博羅三箇  
人饋了一紙文書老爺上遞來了教我們快些兒回來  
有事便還要打發著人來裏不敢說說謊供的是實據此  
除將發下番文一紙令番僧結斯多譯云欽差鎮守衆  
老爺面前遞文書罕都左衛沙州的王子頭目特穆爾  
圖卜賞巴爾嘉且琳沁巴桑巴鄂特五箇頭目人民遞文書  
緣故我在前永樂年間往後嘉靖年間往前邊上地方

坐來如今底下的回子莽蕪爾王子岱人出來沙州衛上頭抱著生的人殺了僭的錢搶我沒奈何肅州衛投降著去饋了賞賜又饋了倉裏的糧我們的人多過不的日子回往沙州去了有莽蕪爾王子欺負我裏頭去不放進來我上打饋城沒有打饋說都督日郭拉肅州去時沒有放進去王子莽蕪爾王子軍馬來裏說著聽見了人民肅州上來不放進來回坐了又說圖嚕台通事上話說著去來回子的岱人來裏說來不要報怨我

又說蘓勒坦莽蘓爾王子來便要殺我裏我一答裏來了  
老爹每不要怪我我沙州的人主子朝廷老爹每主子  
我說回子殺我的不是不殺我便守著沙州坐如今老  
爹每心裏怎麼算計著裏黑漢兒人上有人便算計著  
你上頭回子的軍馬沒數兒的鷄年裏來裏回子的人  
馬要不來便老爹每心裏算計著回子的進貢的放出  
來便好放不放老爹每知道要緊要緊又說老爹每謫  
和便好不謫和便不好的來裏這一夏裏軍馬多來裏

我沒有說的不要說要回子上軍馬來便如今來一來  
不來便你上頭軍馬來裏你們知道我特穆爾蘓都魯  
克繖阿巴兄弟阿倫本身上段子衣裳饋穿着沒奈何  
的說多說著去來又說莽蘓爾王子上跪著黃達子上  
領著去來我不跪便西寧坐三年我要肅州逃走著去  
想著來上頭回子托克托穆爾監著裏有五百人都督日  
郭拉的兄綽埒本等三箇人著去了前頭差的人上沒  
有饋賞賜如今差的人上好賞賜饋他鈞旨知道路上

害怕著去的人沒有三月十七日的文書三月三十日  
要我的人到那裏好歹有是麼話再說著來朝廷是天  
一般老爹每是日月一般據此審供據謫備關到衛今  
將前項緣由同原發番文一紙理合申繳施行等因備  
呈到臣已行甘肅鎮巡官撫處防禦去後今該前因竊  
照吐魯番蘓勒坦莽蘓爾先於正德十一年近於嘉靖三  
年兩次率領番賊寇我甘肅殘壞我邊堡掠殺我軍民  
地方被其荼毒瘡痍困苦所不忍言雖被官軍追逐出

境不曾大遭剄劒狼子野心必無懲戒今據沙州夷人  
供稱回酋莽蘇爾已往吐魯番留下頭目雅穆拉見在  
哈密要到七八月馬壯之時領哈密北山衛拉特黃達子  
等賊往漢人地面搶捉一節容或有之觀其先差頭目  
托克托穆爾領人馬三百在我邊住牧乘間寇我永昌地  
方見被官軍斬殺此其明驗但沙州頭目特穆爾圖卜  
等係中國屬番受恩深重去年回賊入寇已率衆跟隨  
侵犯肅州去順從逆罪不勝誅今所供報言若效順心



實難測恐其自知身負滔天之罪恐將來無容足之所  
設為張大之辭窺我賞賚之利又或吐魯番酋見我閉  
關絕貢與之通謀窺我意向亦未可知觀其言將進貢  
的放出來便好及謫和便好不謫和便不好等語大略  
可見且此回窮兇極惡神人共怒去歲甘肅蘓勒坦莽  
蘓爾不曾伏誅而大頭目和卓塔濟迪音阿拉克巴圖爾  
及不知名大頭目三人俱死於箭射鎗打之手彼雖強  
悍豈得不懼而近日所遣頭目托克托穆爾精銳先鋒

初入我境即被斬獲其後一犯涼州而副總兵周尚文  
禦之再犯山丹而指揮王佐禦之俱有斬首奪獲之功  
其鋒必剋其氣必沮況蘓勒坦莽蘓爾已回吐魯番止留  
頭目雅穆拉在於哈密料是未敢深入前項供報之言  
恐未可信然王者不治邊人固亦不必深究臣惟禦戎  
無上策自治為上策攘外無良計安內為良計今甘肅  
地方兵馬寡少錢糧空乏城堡無金湯之固戰馬無充  
廩之良原額戎伍逃亡接踵而其名徒存見在軍人飢

寒困憊而其形徒在己且未治何以治人內之不安何  
能攘外兵法曰無恃其不來恃吾有以待之無恃其不  
攻恃吾之不可攻且今西海通寇鴟張跋扈竊伏我邊  
莊涼劇賊徧突豕奔剽掠官路比之回賊尤當急備已  
經節行彼處鎮巡副叅遊擊等官各須申明紀律訓練  
士馬修葺城堡整備器械振威武以警外敵之心明賞  
罰以作我軍之氣又節行陝西布政司將該解甘肅一  
鎮邊儲銀兩分投差官督發過河行令管糧叅議僉事

等官趁收成時月作急糴買糧料草束派發各城堡上  
納并將近日戶部奏准開中各運司課鹽三十萬引內  
撥發七萬五千引彼鎮召商報納及候戶部委官運到  
銀兩內再發五萬兩前去足可供應但馬匹缺少之甚  
近日莊浪副總兵魯經節呈賊情緊急無馬出戰已將  
先任總制右都御史李鉞奏帶用剩馬價寄放陝西苑  
馬寺庫內銀二萬七千七百三十九兩內先支五千兩  
給與西寧莊浪官軍買馬騎征但查甘肅鎮城涼州等

處馬匹尚缺數多近添設遊擊將軍李義官軍三千員  
名就該馬三千匹雖云於茶馬苑馬寺牧養馬內俵給  
終恐不敷及行據延綏總兵官都督彭煥呈開延綏一  
鎮原額官軍操馬三萬七千五十匹實有馬一萬五千  
六百六十三匹事故倒折馬一萬五千八十八匹近雖  
追補查給不過十之二三見今大敵在套用馬為急雖  
未能盡復原額之數亦合量為查補臣近日所奏兵部  
題准送到馬價銀五萬兩又該專備名募之用用剩銀

兩聽給陝西固原等處官軍買馬騎征勢難及於他鎮  
如蒙聖明憫念甘肅孤懸重地即今回賊各處俱有警  
報及延綏正在緊關防禦套衆之時乞勅兵部再於太  
僕寺馬價內動支五萬兩分給甘肅延綏二鎮令將缺  
少馬匹買補完足軍勢自強軍威日振蠢茲套衆是惟  
不來來則必無善歸之理甘涼地方欲調陝西延寧軍  
馬策應防遏臣當酌量套衆聲勢緩急輕重隨宜調發  
不敢顧此失彼以貽後艱緣係傳報回賊聲息事理為

此具本專差承差孫傑親賚謹題請旨

一為問革姦官謀求掌印賣放邊軍等事

題為問革姦官謀求掌印賣放邊軍科取局匠月糧等  
事嘉靖四年七月初五日據陝西按察司副使韓士奇  
呈問得犯人晏灝招年四十歲係陝西都司固原衛指  
揮僉事原籍湖廣景陵縣人高祖晏英從軍洪武十一年  
殺賊有功歷陞府軍左衛左所實授百戶故曾祖晏保  
替洪武三十年陞本衛後所副千戶永樂元年間陞本

所正千戶老疾祖晏貴替故父晏進襲成化元年地名  
潘村山寨等處節次殺賊有功陞本衛指揮僉事老疾  
灝替前職狀招弘治十七年七月內灝違例用財謀求  
守備事發該刑部山西清吏司將灝問調固原衛帶俸  
差操遇蒙弘治十八年五月十八日詔書一款在京在  
外文武職官有因緣事及公錯并公事誑誤等項特旨  
降調并為民充軍者該部通行查出調者復還原職降  
者俱照原品先任外用為民者冠帶閒住充軍者放回



為民彼時灝要得回還原衛不合將前詔條內調者復還原職擅自改添作調衛者復還原職字樣移關本衛灝又恐本衛先問發今未到署印指揮趙景不從備銀五兩送趙景枉法接受准關給文起送原衛蒙兵部查出灝係原奉欽依調衛人員比與前項詔書事例不同將灝差人押發固原衛照舊帶俸差操聽候叅提及備行都察院類行陝西巡按秦御史轉行陝西按察司提問間灝又營求督牧官馬正德三年六月二十日灝見

得催提緊急不合將原領牧官馬一匹拐騎逃躲不行  
出官本司止將趙杲提問枉法雜犯絞罪准徒五年立  
功解發訖照提灝又不合仍前不肯出官正德六年十  
月內灝方纔投衛解赴本司問擬雜犯斬罪查係遇革  
招呈巡按周御史奏行本司正德七年五月內蒙將灝  
仍發固原衛帶俸差操間正德八年正月內有順天府  
昌平州未到商人劉浩劉桂將伊報中靈州鹽課司鹽  
引一千七百道分與在官李朝陽今故父李宣支鹽李

宣就將伊上過糧草銀六百八十兩兌與劉浩等支領  
訖正德九年正月內李宣因少在官胡璽先未故兄指  
揮胡琮本利銀三百二十兩無還就將前引內一千五  
百道憑在官馬鑑趙連管見付與胡琮准還前銀訖彼  
時計算胡琮該貼李朝陽銀八十兩一向未與李朝陽  
將情告蒙固原兵備道追還訖後李朝陽將前剩鹽引  
二百道立約順帶與胡琮家人胡秀名下待候人支鹽  
分用正德十三年十月內蒙分巡關西道差灝前往寧

夏等處公幹回還不合一向不行赴衛正德十四年十月內胡琮令胡秀將前李朝陽父李宣淮還鹽引一千五百道并李朝陽順帶鹽引二百道憑在官單鑑作中立約與寧夏小鹽池未到商人康贊合夥支鹽分用已支鹽四百九十七引未支鹽二百三引灝前罪遇蒙正德十六年四月二十二日赦宥訖本年八月內灝方纔赴衛訖嘉靖元年蒙帶管關西道李卿給與灝官銀一百兩每兩定易料豆二石四斗赴固原州倉上納灝將

前銀內八十一兩二錢五分陸續糴豆上倉外銀一十八兩七錢五分該易豆四十五石灝自合給付與人糴買料豆赴倉完納為當不合故違軍職有犯監收盜滿貫律該斬罪者發邊方立功五年滿日還職仍於原衛帶俸差操事例將銀侵欺入己嘉靖二年四月二十六日灝用財禮娶故軍路朝義在官妻杜氏為妾後灝因見杜氏淫蕩受財賣與在官朱趨為妾在官郭永知証本年十一月內蒙固原兵備道明文行灝暫管雜造局

事嘉靖三年五月內放支局匠月糧灝因前侵欺官銀料豆未完要得乘此科取完納就不合向在官局匠黨經等共九十名每名科取料豆五斗共四十五石補數上倉完納訖本年八月內劉浩因見胡琮病故不合巧計將前李朝陽父李宣淮還過胡琮鹽引捏作伊故兄劉淮寄在胡琮家內被伊弟胡璽冒名支鹽虛情狀赴兵備道告批灝問報灝將胡璽并康斌未到男康國冒行拘到官灝不合不審的實止憑告詞將前支鹽引一

千二百三道斷給劉浩領訖比時康國冒畏懼刑責備銀二兩綿布五匹絨靴一隻驢一頭鹽十石送灝不合索收入已在官楊塔孩知証前事未曾回報本年十月內本道查得缺官署掌衛印行衛令灝暫管間本年十二月初十日本衛在官充發軍人楊斌畏懼當軍辛苦要得用錢買求回伊保定府慶都縣原籍不合備銀五兩二錢送灝就不合枉法接收入已給與楊斌收買藥餌印信批文收拏影射本月十四日楊斌行至地名腰祿

墩遇逢在官巡墩總甲王本盤獲連批送與固原守備  
劉文處帖行本衛查問間嘉靖四年五月內蒙分巡關  
西道紙牌為勅諭事奉勘合將灝見提解問間本月十  
三日胡璽不甘將情并不合添捏灝違例全支俸糧及  
累逃四次挾制官府打詐財物又得復職等項虛實情  
詞并將未到陳完牽寫開單具狀赴提督軍務楊尚書  
處告蒙牌行守備劉文差人將灝捉拏到官呈解提督  
衙門蒙批查得是灝係分巡關西道見提解問人犯仰



陝西按察司副使韓士奇將胡璽所告情詞提人與本  
犯對理明白備招解審發落呈狀併繳蒙將一千人卷  
并劉浩在官歇主李昂通行提吊到官與灝逐一對審  
前情明白恐有不的復又查審得灝帶俸支糧數目委  
該全支並無月支食米一石事例各無異詞將灝等取  
問罪犯外結得銀每兩值鈔八十貫招結是實議得曩  
灝等所犯曩灝除革前并受財枉法滿貫及求索科斂  
等罪名不坐外合依官物當應給付與人已出庫而未

給付但有人收掌在官若有侵欺者計贓以監守自盜  
論四十貫律斬係雜犯准徒五年楊斌依有事以財行  
求得枉法者計所與財坐贓論四百貫律杖九十徒二  
年半胡璽依不應得為之事理重者律杖八十楊斌等  
俱有大誥減等楊斌杖八十徒二年胡璽杖七十爰灝  
係贓官楊斌係軍胡璽係舍餘各照例爰灝定發邊方  
立功五年滿日仍於原衛帶俸差操不許管軍管事楊  
斌審無力定撥缺人墩臺照徒年限哨瞭胡璽審有力

納米贖罪各完滿日踈放與供明李朝陽王本楊塔孩  
郭永趙連黨經胡秀馬鑑單鑑朱趨杜氏李昂各查發  
著伍隨住寧家內爰灝係軍職論功定議發落查得本  
犯先該分巡關西道奉勘合見提解問合行固原衛備  
由轉行該道查照完報施行照出供明李朝陽等并雜  
犯死罪爰灝俱免紙胡壘告紙楊斌民紙各一分照例  
每分內除二十張存留公用其餘折米告紙四斗民紙  
二斗并胡壘贖罪米七石及爰灝名下枉法受要楊斌

銀五兩二錢又侵欺原領易買料豆官銀一十八兩七錢五分并索受康國冒銀二兩綿布五匹絨靴一雙驢一頭鹽一十石主無見在與枉法侵欺銀兩俱合入官又晏灝科取局匠黨經等九十名每名料豆五斗共四十五石合給主中間主無見在者入官俱發固原州監追完足罪紙米石并主無見在料豆俱送本州官倉上納綿布絨靴驢鹽易銀并枉法侵欺索受銀兩俱貯庫與米豆俱作正支銷科取有主料豆查給收領通取收

管實收領狀附卷及未到劉浩妾告爭過胡琮原受李朝陽父李宣少銀准還鹽引一千二百三道仍行固原衛拘拏劉浩追給胡琮弟胡璽并家人胡秀收領同順帶李朝陽鹽引二百道省令徑自收支照約分用有罪劉浩另行弔來文卷發回備照等因具呈到臣案查先據固原衛已故指揮胡琮下舍餘胡璽狀告本衛指揮僉事爰灝原任北京為事問調本衛後因改寫詔書事發逃走著兄挨獲肘送按察司問擬永遠不許管軍管

事帶俸差操後又復逃三次文卷可查至今隱情掌印  
管局以此懷讐主令商人李宣劉浩等捏詞具狀赴兵  
備官處告兄先年合夥中鹽寄放引目等項事情蒙批  
爰灝問理就彼拘鹽偏情酷拷妄認虛供及開單訐告  
爰灝賣放軍人枉法受財侵欺官銀科取財物多支俸  
糧等情查得爰灝係陝西按察司分巡關西道僉事鍾  
錫見提解問人犯已經批行陝西按察司副使韓士奇  
提問明白備招解審去後今據前因覆審無異叅照犯

人晏灝先係平涼衛官員緣事改調不思改悔自贖卻  
乃稔過不悛始因擅改詔書字樣被提不出又拐帶官  
馬在逃後假以公差為由出外遊蕩至三年有餘曠職  
兩次遇蒙恩宥尚猶不圖自新侵欺守掌官銀乃科斂  
局匠以償還受要軍人財物又枉法給批而賣放及訪  
得本犯平昔在衛假公覓利倚勢害人不止一端官司  
被其挾制下人苦其凌虐雖問前罪尚有餘辜合無照  
依原擬定發邊方立功五年滿日仍於本衛帶俸差操

不許管軍管事惟復遠加謫調以為軍官怙終稔惡屢犯不悛者之戒緣係軍職論功定議未敢擅便為此具本順差承差孫傑親賚謹題請旨

一為舉用賢才以裨政化事

題為舉用賢才以裨政化事臣惟人才難得自古為然故通經學古者多致用而不達獨立自信者多矯枉而過正志存乎道德行或不揜其言取給於事功久或漸渝其守外內之相符終始之一揆今豪傑之士布列中



外其人必多臣久處林下今任邊方未能深知不敢汎  
舉竊見陝西按察司提學副使唐龍早得金華文獻之  
傳志窺聖賢理性之學及出而登仕作令郟城首挫流  
賊之鋒兩為巡按茂著激揚之操今提學陝西動必循  
軌言不悖道多士賴以陶成人材因之益盛是蓋輿論  
所許清議所歸非臣一人之私言也且今之用人自有  
常格臣竊謂資格所以待衆人不次所以拔英傑古之  
帝王暨我朝列聖率由是道如唐龍者文行俱優體用

相孚內可以佐臺寺備清華之選外可以任撫巡受干  
城之寄若長憲之官固所優為亦其常格選衡必有所  
處豈俟臣言但念備位大臣以人事君臣之職也薦賢  
為國臣之志也儻知而不言實重蔽賢之責如蒙乞勅  
吏部廣詢博訪驗其平生叅之公議若果臣言不誣將  
本官待之以不次加之以殊擢遇缺奏請簡用於國家  
政化必有裨補如其奉職不效或晚節有虧則臣失人  
謬舉之罪無所辭避矣緣係舉用賢才以裨政化事理

未敢擅便為此具本順差承差孫傑親齎謹題請旨

一爲急缺邊方都司官員事

題為急缺邊方都司官員事照得各處邊方各有行都司衙門統領衛所惟寧夏榆林無之榆林鎮城止轄一衛寧夏在城設有五衛在外二衛二守禦千戶所軍務浩繁內有慶藩及郡王將軍等府數多又兼夷漢雜處難以撫馭先年舊規鎮巡官推選老成練達都指揮一員管理各衛事務號為掌印方面官員城池鎖鑰夜巡銅

牌皆其執事各衛所官軍馬匹數目冊籍皆其管領地方聽其約束墩臺屬其提調關係不為不重苟得其人事有統紀不致顛錯近日鎮巡委用都指揮安世民本官行事過當起釁招怨貽患未息況今本鎮太監總兵巡撫管糧僉事等官俱各緣事被提新除官員不知何日到任闔城空虛事無統紀誠恐因而別起釁端深為可慮已經劄仰陝西按察司分巡關西道僉事鍾錫前去鎮城住劄收放錢糧稽察奸弊問理刑名及帖委先任

甘肅遊擊將軍今革在閒都指揮同知王爵暫去管理  
都司事務提調各衛官員收掌門禁鎖鑰稽察姦盜外  
緣舊規相承止是鎮巡選委都指揮一員管理今查本  
鎮別無都指揮可委若令指揮署管職任相同難以行  
事臣竊謂地方事重前項官員責任比與各行都司事  
體相同必得老成都指揮奏奉欽依委用庶幾人心協  
服訪得陝西都司見任空閒都指揮僉事張鵬霄孫昌  
二員俱曾久任守備領軍等官委皆老成練達事務善

於處謀雖先曾有過被革今皆砥礪自新比之新進出仕之人相去遠甚如蒙乞勅兵部查議奏請合無於張鵬霄孫昌內定委一員作為提調寧夏等衛名目令其掌管城池門禁夜巡銅牌軍馬冊籍一切政務庶使鎮巡衙門可以委任責成上下相承體統不紊庶事不勞而集矣仍乞著為定例今後有缺聽鎮巡選委相應都指揮奏請委用則體勢稍重易於行事實為便益緣係急缺邊方都司官員事理未敢擅便為此具本順差承

差孫傑親賁謹題請旨

一為易置邊方將官事

題為易置邊方將官事照得寧夏花馬池地方逼近邊牆係套衆侵犯腹裏必由之地先年止設一營調撥西安慶陽官軍輪班備禦成化年間奏設守禦千戶所添撥改編官軍一千員名正德元年間臣為總制因見地方要害套衆不時侵犯官軍數少難以截遏奏改為寧夏後衛添設四千戶所選撥召募軍人四千員名常川

住守與原撥官軍相兼備禦又展拓城池修蓋營房數千間人居稠密市廛貿易遂為樂土今經二十年矣城垣損壞不行修補新舊軍人逃亡居半每遇敵至不過閉門自守禁斷居人不許樵牧致將原蓋營房拆毀焚燒殆盡詢問其故蓋因近年分守將官不得其人上下交征務為掊克以致如此訪得見任分守寧夏東路地方右叅將都指揮僉事劉謹貪刻性成誅求無厭以營家為得策視戎政為末務指稱公用尅扣軍士糧賞每



遇解到新軍搜索裝囊空竭方纔發伍衛所官員因而  
挾持爭為科斂以肥身家致令軍日逃馬日耗邊務日  
廢城堡蕭索幾不能守及照陝西設有遊兵官軍三千  
員名不止防禦本鎮兼為延寧甘肅各路應援之兵此  
等將官必得素有膽力慣經戰陣之人遇警身先士卒  
眠霜宿草不憚苦勞摧鋒陷堅無往不前乃克勝任見  
任遊擊將軍署都指揮僉事陶文頗能自守亦善處事  
但年力已衰膽氣素弱居常無事幹理戎務若無大失

遇警言出戰衝鋒破敵決所不能今大敵擁衆在套秋冬之間難保深入為患而甘肅莊浪一帶地方回達二敵節有警報領軍截剿全在將官劉謹衆叛親離豈能得其效用陶文則上玩下慢安能驅之赴敵臣又博訪得先任分守大同西路地方右叅將延綏都指揮僉事高時先任遊擊延綏將軍養病痊可陝西署都指揮僉事夏欽俱曉暢軍情熟諳戎務馭下有恩臨敵不懼堪任分守先任延綏援兵團操叅將都指揮僉事瞿江延綏

定邊營把總指揮僉事魏鋹皆體貌魁梧膽氣猛厲弓馬有出衆之能膂力有魚人之勇堪任遊擊且人之才各有所長其用各有所宜指垢摘瑕則舉世無全人舍短取長則中人皆可用如夏欽魏鋹固未嘗有過高時瞿江雖曾緣事黜革終難揜其所長使功不如使過在今日尤為急務伏望聖明軫念邊事至重求才甚難乞勅兵部再加詢議如臣言不妄乞將劉謹革回原衛閑住陶文候腹裏閒靜地方有相應員缺乞將所舉各官

具名上請簡用高時等內用一員充寧夏東路叅將分  
守花馬池地方瞿江等內用一員充陝西遊擊將軍如  
此則委任得人戰守有備士氣自奮邊方有托最爾醜  
類不足為中國患矣緣係易置邊方將官事理未敢擅  
便為此具本順差承差孫傑親賫謹題請旨

一為申明勅諭陳言邊務以禦寇患事

題為申明勅諭陳言邊務以禦寇患事該戶部議覆查  
照先年舊規通將納銀事例並革不開中馬匹俱聽環

靈兵備官督同原管鹽場通判等官從公召商照依原定引數開中馬匹先儘甘肅次及延綏又次寧夏輪管相兼西寧洮河茶易馬匹允給應用周而復始著為定例及稱見今延綏邊情未寧合無併行各鎮通融扣算量其邊務緩急大小俱聽見差經略三邊軍務衙門隨宜處分不必拘執原額事寧之日輪中備奉遵依間續准本司延綏管糧僉事張宏關奉巡撫延綏地方都察院右副都御史姚謨劄付內開召到商人楊騰霄等四

十四名納完上中馬一百六十二匹共該鹽一萬四千六百引緣由前來又准陝西布政司照會將填完正德十年商人張大海等納完鹽引一萬四千三百三十七引正德十一年商人劉鎮等納完鹽引一萬四千三百三十七引正德十二年商人豆達等納完鹽引一萬四千三百三十七引并楊騰霄等前項引目各賚領到道俱經封發行仰慶陽府轉行管鹽通判李敏忠查照上年事例相兼放支仍納新課去後其正德十三年見今

陸續止名納過二百一十引赴布政司填給引目外其餘至今未見上納節經催行慶陽府督納間今蒙前因随拘原告商人并節年商人張大海李鎔等到道審據各執稱各商大池自弘治十二年起小池自正德元年起俱至嘉靖元年止在池引目約有二十餘萬俱未關支為因連年寇患及天時旱澇鹽路不通及節次事例不常分派股頭不定況且復能支出前引抑又勒納新課以此坑陷資本纏延不絕守候日久困苦難堪等情

張鑛等一起則告要仍前隨到隨支不論諸引之新舊  
李鎔等一起則告要照舊挨年挨名不分股頭之三七  
大抵年名在前者利於挨次而原擬隨支者憚於分股  
各惟圖便已私不顧紛更鹽法俱難准聽但勒納鹽課  
一節中間商人資本有昔豐今嗇守支有昔旺今衰必  
使其舉貸以納於情不堪若令其轉易而支在法有禁  
委的官商兩未為便益且今在池未放鹽引既多再欲  
設法另召商人必少欲要暫停新課以疏通舊引不無



虧損額課遲誤邊儲合無將在池鹽引自正德七年以前俱為舊引正德八年以後俱為新引新舊平分各為五分股頭兩股各挨年挨名止論鹽引數目不拘商人多寡相兼放支如上名不到下名挨放其新課合無將正德十四十五十六年嘉靖二年三年俱免開中自嘉靖四年起不拘是否舊商每引照弘治十二年事例納銀一錢七分量加三分共二錢或照近例仍納三錢五分俱於本道報名發慶陽府收取實收類赴布政司填

給引目取自關放暫准於鳳漢二府地方與河東鹽相  
兼發賣限二三年或五年候前項舊引盡絕至四年分  
起止挨年挨名放支不必分擬新舊股頭仍照原擬於  
平慶地方發賣永為定規不許再生異議變亂庶幾鹽  
法不致紛更而商情亦為便利矣呈乞照詳定奪等因  
具呈到臣查得弘治十八年間臣巡撫陝西議奏靈州  
鹽課司大小鹽池所產鹽斤與解池相類不勞煎煮不  
煩人力為利甚博取之無窮舊例止是召商中納馬匹

分給邊鎮騎操後因各邊交爭互取多寡不均故有間  
年關領之例又因中馬之人勢囑賄通濫收不堪馬匹  
不得實用故有收價解邊之例畢竟為馬而設未嘗別  
用後因放鹽委官作弊多端奏添陝西按察司副使一員  
在於慶陽駐劄職雖整飭邊備實兼督理鹽法弘治年  
間寧夏鎮巡衙門先因修理河渠借去弘治十四年十  
五年二年鹽課後因措置糧草借去弘治十六十七十  
八年三年鹽課河渠工程既未就緒倉場糧草亦未充

足而鹽馬之制遂廢私鹽盛行姦豪得利弘治十五年  
間該總制尚書秦紘題准於慶陽府添設通判一員兼  
理鹽課將紅德堡批驗所移改慶陽府聽環慶兵備提  
督弘治十八年以後引目送監收通判開放每引收銀  
四錢五分准裝鹽五石或六石銀兩分發慶陽固原官  
庫分送各邊買馬續該苑馬寺卿車霆奏要增靈州鹽  
課納銀給買邊馬兵部題奉孝宗皇帝欽依陝西茶鹽  
易馬備邊係是舊制今後不許別項奏討欽此欽遵行

臣查處臣督同兵備副使燕忠高崇熙等親詣鹽池查勘二池鹽利委有餘饒今將大池增一萬五千引小池增三萬引每引納銀二錢五分照鹽一車以六石為則外有多餘依律掣墊至固原慶陽二鹽廠卸所每引仍照舊收卧引銀一錢通共每引得銀三錢五分每年該銀二萬七百六十餘兩儻遇旱澇鹽生不及或邊報緊急鹽路不通除舊額課鹽外新增鹽課明白除豁不可膠於一定歲歲取盈行鹽地方許於鳳漢二府通行與

河東鹽相魚發賣兩不相阻其弘治八九年以前中馬  
鹽引久弊多莫可查考所宜一切革罷弘治十三年以  
前召中商人彼皆奉例納銀輸官後因寧夏借課耽遲  
數年怨聲載道合准相魚支放新引七分舊引三分弘  
治十四年以後寧夏所借若有未支未中之數年分已  
滿中間勢豪之人展轉影射難再復支未中引目陝西  
截取開中庶幾物論稱平所收鹽引銀兩俱送慶陽固  
原官庫寄放聽慶陽兵備兼理鹽法副使及固原兵備

副使提督稽察如遇各邊缺馬聽臣斟酌通融給發買馬支用不必拘定間年之例等因具題荷蒙武宗皇帝俞允舉行彼時鹽法流行所得鹽銀數多未及二年臣謝病回還自此之後各該衙門節有論奏正德三年戶部題准靈州鹽課解送太倉以備緊急支用各邊缺馬奏請定奪其後巡撫陝西侍郎馮清奏准將正德七年以前至元年鹽引暫且停止正德八年九年鹽課俱借與甘肅上納糧料草束完足赴場隨到隨支正德十年

以後照舊新引七分舊引三分兼放輪解各邊買馬糴糧正德十二年督理甘肅軍餉右侍郎楊旦奏准將二十三年鹽課俱聽甘肅召商報中糧草備用事寧照舊買馬是年巡按御史師存智題准將十四年分鹽課除供邊外量留一半補給韓府祿糧十三年鎮守延綏太監許全奏准除正德十四年引鹽一半補祿米其餘并十五年分盡數歸本鎮買馬其十六年以後三邊照舊輪給正德十六年兵部議准先該臣處置牧馬茶馬



鹽馬實濟邊用合行巡茶御史查照開中馬事宜次第  
舉行是年御史王杲奏靈州鹽法大壞欲行設法名中  
收價買馬均給三邊戶部題奉欽依這地方鹽課著巡  
茶御史查明數目將各奏年分未開未闕并未撈的照  
例停止欽此嘉靖二年戶科給事中王瑄奏處邊儲戶  
部議得靈州鹽課停革買馬專一名商報納糧草二十  
年來事例紛紜更革不一鹽法為之大壞無益邊儲有  
虧馬政所以近時議者多欲革去納糧專令中馬不為

無見臣竊惟靈州大小鹽池鹽法祖宗朝本供各邊買馬之用後因中馬有弊改議納銀輪發各邊買馬立法未嘗不善奈何正德年間當事者各出意見奏行新例紛紜變亂新舊混淆弊端百出後任者不體前官之意新納者罔念舊商之苦以致各年各項報中俱未支掣完足鹽引堆積多至二千餘萬商人虧陷資本節次名中並無一人報納卻乃搜刷舊商勒報新課監禁箠楚如追逋負在情與法俱不相應夫天地自然之利人自

失之而徒為姦人私販之資深為可惜查得近該戶部題奉欽依革去納銀專令中馬固係舊例但先年中馬弊多始改納銀且各鎮官員趨向不同行事亦異如是禁防踈濶或因將官之要求或徇勢豪之請托將中下不堪馬匹捏作上等支鹽一百引以致物議沸騰若欲於腹裏地方納馬解邊則秣飼屬之何人運送不勝其擾似皆未便臣愚以為不若仍納銀兩解邊易馬則事省人便官商兩為有益且如鹽馬舊例上馬一匹給鹽

一百引中馬一匹給鹽八十引二池舊課止有一萬四千三百三十七引盡納上馬止該馬一百四十三匹兼納中馬大約不過一百五十餘匹正德元年臣召報納過七萬二千五百引每引價銀二錢五分共得銀一萬八千一百二十五兩每馬一匹用銀十兩可買馬一千八百一十二匹正德二年臣召納未完去任今查納過鹽三萬八千七百引每引價銀如前該銀九千六百七十五兩以後年分多者萬餘兩少亦不減數千兩嘉靖

元年延綏超前名報納馬止是一百六十二匹較其所得多寡之數昭然可知致將正德十四年十五十六三年俱誤名納今據副使高公韶所呈在池未放鹽引既多欲再設法另召商人必少欲暫停新課以疏通舊引不無虧損額課遲誤邊儲一節查得節年報納商人歲月既多頭項不一中間展轉影射冒支盜賣等弊難保必無本當通行革罷但念各商俱已奉例出其資本助我邊儲官本失信商則何辜况前商既已失利後商愈

加疑阻誰肯以固有之財而希覬必不可得之利哉緣  
前事該部已經題有明命臣當具奏上請定奪乃敢施  
行但六七月間正在放鹽之際誠恐又誤一歲額課已  
經遵照欽奉勅諭便宜處置事理劄仰副使高公韶備  
云出給告示曉諭自正德元年以前鹽引俱各革罷不  
許放支仍令將引目赴官投告燒燬若仍留在身以圖  
影射許各項商人并鄰佑里長旗甲首告拏問治罪自  
正德二年至正德十二年止俱為舊引正德十三年見

開未完并以後年分開中者俱作新引另名不拘新舊  
商人許令告報每引照正德元年事例納銀二錢五分  
到於卸鹽處所仍納卧引銀一錢願中商人俱於環慶  
兵備處報名銀兩發慶陽府收貯取實收類赴布政司  
填給引目下池舊引三分新引七分俱挨次開放止論  
鹽引數目不拘商人多寡如上名不到下名挨支每引  
照鹽一車以六百石為則外有多餘依律掣墊追問去  
後近據副使高公韶呈稱示出之後召納過鹽引一萬

一千餘引作正德十三年之數餘尚名納未完臣聞之  
先正云法立而能守則德可久業可大天下之事皆然  
如總制尚書秦紘等先年所擬循而行之於三邊馬政  
實有裨益惟是接管官員專務更張以致法無定守官  
無依據每更一官輒奏改一例出於己者患其不多出  
於人者惟欲其止行之未久他官相繼又復如是且納  
銀納馬所取既殊買馬買糧所用各異乍行乍革條舊  
條新規近利以失大信前車之覆後車之戒宜商人之



不樂從也。但前此納銀各該衙門往往借取別用有妨馬政。見今三邊多警。言正在缺馬之際。如蒙乞勅戶兵二部查議。合無依臣所擬。將正德元年以前不拘納馬納銀商人一切革罷。將引目赴官投告。燒燬。正德二年起至正德十二年止。俱為舊引。正德十三年見開未完。并嘉靖二年三年接連嘉靖元年之後者。俱作新引。正德十四十五十六三年已有嘉靖元年阻隔。不必開中。徒為紊亂。煩擾每鹽一引。照正德元年事例。納銀二錢五

分到於卸鹽處所仍納卧引銀一錢共每引得銀三錢五分以舊額鹽課計之可得銀五千餘兩較之納馬已是三倍况新課之數又未可預料乎原中商人俱於環慶兵備處報名銀兩發慶陽府收貯取實收類赴布政司填給引目下池舊引三分新引七分俱挨次開放止論鹽引數目不拘商人多寡如上名不到下名挨支照鹽車石及多餘掣墊等項俱照舊施行所收銀兩仍照例正德十三年為始先延綏次及寧夏次及甘肅輪年

解發前去專備買馬不許別項支用若別鎮果有邊情  
緊急聽提督總制衙門如無提督總制聽巡茶御史各  
通融派給仍乞天語丁寧著為定例毋再紛更庶成畫  
一之功以濟邊方之急再照靈州二池夏秋之間水面  
凝結如雪如霜隨取隨足十餘萬之課亦不難辦但地  
鄰邊境或聲息緊急鹽路不通又或旱澇相仍鹽花不  
結照臣先年議奏新課明白除豁不可膠於一定歲歲  
取盈但行鹽地方舊例止在平慶一府及寧夏等衛榆

林寧塞營迤西城堡似乎太狹鹽生者多民食者少鹽商何從售賣而私販固未嘗絕以此尚書秦紘御史王錯先後具奏俱要將靈州鹽課與河東行鹽地方相兼發賣正為此也合無今後每年舊額鹽課一萬四千三百三十七引之數斷不可少其新增鹽課不拘多寡儘數撈辦支掣以池內無鹽之日為止其行鹽地方除西安延安等府照例嚴禁外許暫於鳳漢二府地方與河東相兼發賣兩不相妨待三年之後舊引支盡鹽法疏

通照舊施行實為便益緣係分理鹽法事理為此具本  
謹題請旨

一為敵衆聲息事

題為敵衆聲息事嘉靖四年七月二十一日據延綏總  
兵官署都督僉事彭樸呈為敵衆掬牆入境官軍對敵  
斬獲首級事據舊安邊營把總指揮僉事趙璽呈蒙分  
守西路叅將袁聰鈞帖准總兵彭樸手本該蒙臣鈞帖  
為套中走回人口供報夷情事備仰本職務要嚴謹斥

堆整糊軍馬鋒利器械常如賊在目前不許一時怠惰  
仍差人遠哨如果敵衆近邊即便會合各將官同心協  
力相機剿逐飛報鄰堡官軍發兵策應務使大遭剄劒  
不致貽害地方蒙此卑職於通賊要路墩空量添夜不  
收步軍在彼按伏本年六月十七日巳時據守粕糟店  
墩夜不收林三走報粕糟店四墩直日軍人范滌二瞭  
見境外敵衆約有二百餘騎穿戴盔甲聚到本墩西空  
內扶四十餘敵上牆擺射餘賊搥牆當傳左右鄰墩甲

軍按伏夜不收步軍互相戰守據此卑職一面飛報協  
守副總兵趙瑛分守叅將袁聰遊擊將軍張鳳一面即  
會按伏遊兵營千總官王陞等各領官軍馳去截殺敵  
已掏開牆口一處進入邊裏創立窺見兵馬將近張弓  
衝突前來職等奮不顧身嚴督官軍各用弓銃一齊射  
打戰敵數合我兵奮勇撲斫一處就陣斬獲首級一顆  
奪獲敵馬一匹射死敵馬一匹王陞等督軍同陣斬獲  
首級一顆奪獲敵馬二匹前敵仍復攻戰嚴令官軍敵

戰間彼見迤西迤東遊擊張鳳等人馬灰塵將近退從  
原口出邊去訖查得卑職步下收獲敵器一十二件敵  
箭一百一十枝中傷旗軍六名射死戰馬一匹王陞部  
下中傷旗軍七名射死戰馬二匹收獲敵器一十二件  
敵箭七十五枝等因具呈到職及准遊擊將軍張鳳手  
本據千總指揮王陞呈報相同准此准行各該分守按  
伏將領把總等官整兵隄備所獲功次會行按察司僉  
事郭鳳翔照例勘報及具題外呈乞照驗等因到臣又



據延綏總兵官彭模呈為聲息事據靖邊營把總指揮同知孫仁呈本年六月十四日辰時據坐堡百戶紀鏜報有聲息本職當領有馬官軍一百五十員名同奇兵營千總指揮桑林等官軍九百員名馳至地名許仲義梁迎遇永固墩夜不收柯能報據軍人王志會瞭見敵衆六十餘騎到本墩邊外創立職督官軍馳至墩澗彼從墩北迎敵前來督令官軍一齊向前射打其衆遁退去訖收穫敵箭二十枝又據龍州城把總指揮僉事劉

鉞呈據坐堡百戶周淮呈據水腦墩夜不收高思義報  
六月十七日未時該軍人徐伏瞭見敵衆三十餘騎到  
墩東空拆牆進入一半在水腦澗一半往東清平堡錢  
兒梁去訖本職當同本城經過遊兵營千戶趙聰帶領  
馬步官軍四百五十員名馳至龍州墩梁敵見官軍追  
逐又見清平堡把總指揮周繼勲亦領兵前來出邊逐  
去查得蘆草溝餘丁賈海男賈捨兒小龍州餘丁劉毛  
哇哇在彼打草被敵搶去隨據清平堡把總指揮使周

繼勲亦呈相同查得清水河捉去秦家畔餘丁黨柰使  
女一口米脂縣民人李彪幼女一口又據常樂堡把總  
指揮僉事胡定呈據坐堡百戶潘靖呈據白崖兒墩夜  
不收趙成報六月十八日卯時據軍人曹孜瞭見敵衆  
一百餘騎到墩東空掏開牆口八騎進入海湖畔劄本  
職當同按伏指揮何大經帶令馬步官軍馳至原掏牆  
口敵見兵馬急至遯出邊外去訖查得本堡餘丁韓安  
兒劉小和尚及餘丁鍾山妻許氏俱割草被敵捉去又

據木瓜園堡把總正千戶童壁呈據大山墩夜不收任  
進報六月十八日巳時據軍人孫思慶瞭見敵衆二千  
餘騎到墩東空拆邊牆進入本職當領有馬官軍一百  
五十員名前進百戶孫欽帶領步軍一百七十名相繼  
馳至趙家梁又據夜不收小王成報添敵衆五十餘騎  
督軍馳至劉家梁遇敵衝突前來督軍齊力射打就陣  
奪獲射重敵馬二匹俱倒死敵退從原口出邊去訖查  
得在陣射傷總甲王聰墩軍李大朋李伯英收獲敵箭

二十八枝又據嚮水堡把總副千戶朱鏜呈據百戶張官生呈據六月十八日午時據軍人馮江瞭見敵衆五十餘騎前來口墩掏開牆口二十騎在口簇立三十騎進入在高阜沙梁站立向南瞭無人畜當從原口出邊去訖又據波羅堡把總指揮同知秦鏜呈據坐堡百戶許聰呈據鎮遠山墩夜不收余茂興報六月二十日寅時據軍人袁朝兒瞭見敵衆一百餘騎到墩西空掏開牆口一半進入牆裏馳至輓窯梁瞭探本職領軍馳去

截剿從原口遯去查得本堡舍餘馮雄在路射死又據靖邊營指揮同知孫仁呈據坐堡百戶紀鏜呈據威遠山墩夜不收趙川關報六月二十二日寅時輪該軍人楊守愛吳思玉前去迤東爪問火砲行至趙官人澗忽遇箭杆梁山渠截伏敵衆前來將楊守愛等撲捉過壕本職當領官軍一百五十員名與同按伏奇兵營千總指揮桑林等官軍六百員名馳至井澗岔迎遇夜不收倪仲良報有二十餘騎過壕撲捉墩軍北去本職等回

兵防守又據波羅堡把總指揮同知秦鏜呈據坐堡百戶許聰呈據樊家梁墩夜不收黑六報六月二十三日寅時據軍人李良兒瞭見敵衆八十餘騎到墩拆開牆口進入一半馳往硬地梁墩本職領軍追勦敵見兵臨當從原口出去隨據守硬地梁墩夜不收高真定亦報前賊四十餘騎到本墩對敵射重墩軍張彪至晚身死又據秦鏜呈據蓮池山墩夜不收席整報六月二十五日寅時據軍人高四瞭見敵衆六十餘騎到墩東空拆

開牆口進入一半徑往東南夾道去訖一半在牆堵口  
將墩軍張觀音保射重身死職領官軍馳至河北其衆  
退從原口去訖又據嚮水堡把總千戶朱鏜呈六月二  
十五日卯時據嚮水界墩夜不收郭馬兒報據軍人劉  
貴瞭見敵衆三十餘騎從南來到本墩拆牆出境去訖  
查得前敵自波羅堡蓮池山墩出沒至本堡大桑坪射  
傷遞送公文夜不收吳彥成搶去羸一頭并公文射死  
軍人周演及行路男子一人等因又據本官呈為聲息



事據嚮水堡把總副千戶朱鏜呈據坐堡百戶張官生呈准提墩百戶張聰報本年六月二十六日申時據軍人竇鉞瞭見敵衆五十餘騎到防湖墩東掬開牆口舉放煙炮二十騎在口簇立三十騎進入牆裏往東南行走本職帶領馬步官軍一百五十員名追至本堡沙河掌墩東空嚮水界墩西空各拆牆口出境去訖又據波羅堡把總指揮同知秦鏜呈據坐堡百戶許聰呈據提墩總甲陳合卷兒報本年六月二十七日巳時據軍人

閻銘瞭見敵衆二百餘騎到蓮池山墩東空掏開牆口  
舉放煙炮五十餘騎在於牆口一百五十騎進入邊裏  
沙窩簇立本職當領馬步官軍同按伏都指揮馬政領  
兵馳至河畔前敵潛伏內二騎往來引誘職督官軍前  
進敵見兵勢聯絡當從原口遁去等因行據榆林衛副  
千戶張鵬呈前去嚮水堡查得把總千戶朱鏜帶領馬  
步官軍到於喬家莊因晚未曾進襲前敵侵至櫻桃山  
殺死本堡餘丁吳江何傑搶去幼男劉和尚石廟兒溝

搶去軍人張友妻于氏雞子莊殺死屯住餘丁王俊王  
定搶去幼軍王十一使女王妙順又去波羅堡查得並  
無搶掠人畜等因又據榆林城坐堡指揮使王壽呈據  
本堡管隊千戶徐世臣呈查得本隊紀錄幼軍王世美  
應役王十一於六月二十六日前去嚮水堡雞子莊屯  
內送飯米忽遇敵衆搶去又據龍州城把總指揮僉事  
劉鉞呈據坐堡百戶周淮呈據提墩總甲王洪呈據平  
灘墩夜不收楊萬三報六月二十七日申時據軍人王

鑑瞭見敵衆五十餘騎到本墩東空拆開牆口一半在口簇立一半進入往東清平堡地方中沙墩去訖舉放煙炮本職當領馬步官軍一百五十員名馳至水腦墩梁瞭見清平堡人馬追敵前來卑職合兵夾追敵從原口出邊去訖又據清平堡把總指揮使周繼勲呈報相同行據百戶馮相查得前敵到中沙梁墩空將本墩軍梁田加左膊射訖一箭盧志興後腰射訖一箭捉去楊家畔餘丁藺連男藺存得等因本年七月二十九日又

據本官呈前事據高家堡把總副千戶丁麟呈據坐堡  
百戶潘銳呈據碾兒梁墩夜不收萬英報本年七月初  
九日據軍人胡聰瞭見敵衆二十餘騎驟到本墩掬開  
水口進入本職當領有馬官軍七十員名到彼據本墩  
小甲李子貴報稱敵衆一十二騎在於營口八騎徑到  
本墩攻圍射死墩軍孟田驢賊見人馬將近出境去訖  
又據榆林城把總都指揮僉事閻武呈本年七月十五  
日丑時據本城馬神山墩傳接迤西烟火當蒙鎮守總


兵官彭模統領職等官軍七百員名至嚮水堡新添墩  
西空敵衆掏開牆口一處瞭見邊外沙梁簇立敵衆二  
十餘騎爪得馬蹤三十餘道徑往腹裏西南去訖蒙總  
兵官彭模分布官軍各衝要地方按伏堵截本官統領  
官軍襲蹤追趕至波羅堡硬地梁墩合兵夾擊前敵就  
陣奪獲敵馬五匹敵器六件達箭三十二枝被敵射重  
墩軍二名身死敵奔從硬地梁墩東空水口出邊去訖  
等因節呈到臣為照延綏地方敵人在套日久臣自到

陝西以來不次行令各該將官加意隄備遇有侵犯即便督軍襲勦不許畏縮誤事已將節報聲息具題外今據前因看得套人自本年六月以來侵犯延綏近邊不止一次止是遊擊將軍張鳳舊安邊營把總指揮趙璽各部下斬獲首級二顆奪獲馬匹夷器功雖不多亦曾督軍臨陣與之對敵其餘城堡把總坐堡等官雖稱出兵追逐並無斬獲之功龍州城常樂嚮水波羅清平高家等堡各被搶去軍民男女射死墩軍軍人餘丁各數

不一雖是不曾深入而地方已被其害顯是各官平時失於設備臨事不能效力廢弛怯懦之狀昭然可知況止據所報如此此外隱匿不報之弊難保必無俱各叅究但自東至西千里之遠處處有敵目今大衆敵人已報西行深入之謀旦夕難測延綏遊擊兵馬俱在西路按伏其中東二路城堡星散無所不備無所不寡理勢則然正當緊急用人之際合候事寧之日通行查叅定奪緣前項聲息延綏鎮巡官各經具題及有功并失事



官員照例行巡按御史查勘明白另行外緣係達衆入境邊鎮節報聲息事理為此具本順差承差趙禎親賁謹具題知



關中奏議卷十三